

Шин даалгъвр авчана

Социалистическ дөрлдәнә шин даалгъвр авцхадж „Гашунский“ совхозин кӧдлмшчнр, коммунистическ болн кӧдлмшч партьсин Совещанә тууджлгч Декларациг болн Манифестиг уктдж бәәнә.

Эн төрәр болсн хургт совхозин коллектив мал үвлзлгъиг үзмджтә сәәнәр кехин төлә соцдөрлдәнә шин даалгъвр авб.

Үвлзлгънә цагин туршарт нег чигн мал гару гаргълго, цуг малан сән чинәтәгъәр авч гарх даалгъвр эдн авцхав. Совхозд үвләр хӧд хургълхд белдвр болджана. Сакманщик болдж кӧдлх 150 кӱн белдгдджәнә.

Ирх джилин январин 10 кӱртл трактормудиг болн селәнә эдл-ахун машинидиг цугтагъинь ясдж дуусад, хаврин тәрә тәрхд кӱццдән белн болхиг тетгх болдж механизатормуд авсн даалгъвртан бичцхав. „Гашунский“ совхозин кӧдләчнр соцдөрлдә хоорндан кехми гидж „Лиманный“ совхозин коллективиг дуудв.

Б. ДОРАЕВ.